



三



THE
HOG
GARDEN
46

BX 46
S7
c. 1

A horizontal painting depicting a rural landscape. In the center, a yellow carriage with four horses is moving across a green field. To the left, there is a red building with a dark roof. The background shows rolling hills under a clear blue sky.

卷之二



1080020373

EX LIBRIS

HEMETHERII VALVERDE TELLEZ

Episcopi Leonensis

E
HEM

HISTORIOGRAPHIA ECCLESIASTICA

HISTORIOGRAPHIA ECCLESIASTICA

QUAM

HISTORIAE SERIAM SOLIDAMQUE OPERAM NAVANTIBUS

ACCOMMODAVIT

GUIL. STANG

S. THEOLOGIAE DOCTOR EJUSQUE IN COLL. AMERICANO
LOVANII PROFESSOR.



Capilla Alfonsina
Biblioteca Universitaria

UNIVERSIDAD DE NUEVO LEON
Dra. María del Rosario y Tellez

FRIBURGI BRISGOVIAE
B. HERDER
Typographus, Editor Pontificius
MDCCCXCVII

Vindobonae, Argentorati, Monachii

Lovanii. — Typis POLLEUNIS & CEUTERICK.

44047

BX4662

S7

IMPRIMATUR
Mechliniae, 26 Julii, 1897

H. J. DE CLERCK, Vic. Gen.



FONDO EXETERIO
VALVERDE Y TELLEZ

AMICO LECTORI.

Quam insignem partem Historia Ecclesiastica habeat in disciplinis sacris quantaque industria laborent viri eruditi ad promovendum historiae studium nullus est qui nesciat. A pluribus jam annis horas subsecivas studiis historicis insumenti mihi et de specialibus factis quandoque disserenti, nunc autem eamdem disciplinam docenti pergratum est si ad res in Ecclesia gestas explicandas dilucidandasque opella mea aliquid conferat. Plures neque spernendae rationes induxerunt, ut hoc exigui quidem voluminis, magni vero laboris opus, publici juris facherem.

Historia Ecclesiastica, ut verae scientiae nomine gloriari queat, e fontibus authenticis res enarrandas depromat oportet. Fide digni testes quum in tradenda historia nominandi sint, scire juvat quinam illi sint, quo tempore quibusque in adjunctis vitam duxerint et quantam auctoritatem operibus suis sint nacti. Id sane praeambulum quoddam est studiis historicis ne tyrones falsae scientiae fluctibus misere abdu-

007210

cantur : ceterum, exoptandum plane est historiae studiosis ut ipsos genuinos fontes adire et ex iis uberrime veritatem haurire valeant. Hunc in finem confectus est in praesenti libello catalogus auctorum quos praeprimis cognoscere utile mihi persuasum est.

Quodsi quis miretur ibidem non reperiri vel omnes modernos historiographos, vel completum catalogum operum ab auctoribus citatis confectorum, aut ampliorem desideret editionum recentiorum indicationem, aut demum rationes quibus innitatur judicium criticum nonnunquam haud reperiat additas, attendat, quaeso, ad scopum quem habui : opusculum meum, utpote alumnis praecipue destinatum, compleatur necesse est doctrina orali professoris et exercitiis practicis quae in seminariis historicis jamdudum invaluerunt.

In citandis scriptoribus, qui duodecim prioribus aerae christiana saeculis floruerunt, remitto lectorem ad Patrologiam Graecam et Latinam J. P. Migne, quia, teste cl. P. C. De Smedt, « magis in dies praevaleret usus veteres scriptores citandi secundum illam collectionem, ubi in ea editi habentur. »

Adjumento mihi fuere inter alios Josephi Fessler Institutiones Patrologiae ; Augusti Potthast

Bibliotheca Historica medii aevi ; Hugonis Hurter Nomenclator litterarius ; multi articuli in Freiburger Kirchenlexicon.

Quum, Melchiore Cano monente, theologi nomen non mereatur Historiae Ecclesiasticae ignarus, Deum Optimum Maximum precor, ut libellus hic, qualiscumque demum sit, theologiae incumbentium animos tum amore in Ecclesiae Historiam tum studio eam juxta veritatis tramitem excolendi incitet ac moveat necnon in gloriosis Ecclesiae fastis evolvendis suppetias ferre valeat.

Scribebam Lovanii,
die festo Visitationis B. M. V. 1897.

Index capitum

| | |
|--|---------|
| § 1. De Fontibus Historiae Ecclesiasticae | 1-5 |
| § 2. De Arte critica | 6-9 |
| § 3. De Historiographiae Ecclesiasticae fontibus et subsidiis. | 10-12 |
| § 4. Historiographi Ecclesiastici . | 13-237 |
| § 5. Litterae Pontificiae de studiis historicis | 238-256 |

§ 1

De Fontibus Historiae Ecclesiasticae

1. — Historia Ecclesiastica, cum sit narratio fide digna ac ordinata rerum memorabilium. Ecclesiae Christi et rationem habet scientiae, supponit cognitionem ex testimoniis monumentisque authenticis haustam et secundum causas et sequelas congestam.

2. — DIVISIO FONTIUM. Dividuntur fontes historici triplici modo :

a) Ratione *originis*, in divinos et humanos. Divini fontes sunt illi quorum auctores a Spiritu Sancto inspirati fuerunt. Tales sunt libri utriusque Testamenti ; caeteri omnes sunt humani.

b) Ratione *ordinis*, in fontes primi et secundi ordinis. Primi ordinis sunt illi qui rationem ultimam in se continent seu qui facta e nullo alio anteriori adhuc existenti hauserunt ; secundi ordinis, qui facta ex anterioribus testibus hauserunt.

c) Ratione *formae*, in scriptos et non scriptos.